

剡源鄉志卷十一

奉化趙霈濤 醉仙甫纂

人物傳三

清

毛會掌字仲管號春律石門人順治六年白寇作亂會掌為練長三月十四日被賊

所害邑侯王公奐以詩弔之詩曰剡溪一布衣談笑有兵機運謀誅崇惡吐氣貫

虹霓訓練諸宗子懷心報國葬橫罹遭殲誠臨風淚清淒

毛譜

單九翔字時化號嵩里

單譜

小晦人以歲貢作恩貢為陽春知縣

康乾二志

四年往者里甲

編役十稔一週豐約不齊值充者破家十之八九九翔申請均派富戶寒丁罔得

奸移由是五載一役費以均而得輕又為之革火耗絕委徵懲奸胥輕鞭朴民樂

平恕輸將不後

王應華撰 德政記

時有以修衙之例進九翔叱曰衙以居官為安民也而

噬民耶揮卻之

梁應材撰 德政記

順治十五年卒年六十五

剡源鄉志

卷十一

人物傳三

一

丹山赤水洞天 剡曲草堂印行

毛會吉字仲慶石門人賦質醇茂治農樵漸致贏餘時遭荒歲里族多不聊生會吉

糞粥振飢存活頗衆又就己山開巨嶺建菴其上使人憩息邑令曹鼎臣顏其門

曰太古遺逸

乾隆志

毛岳靈原名嘉仙康熙間新嵯胡雙奇龔萬里等聚衆大嵐山先犯石門嘉仙以本

族人與之力戰賊敗去邑令曹鼎臣聞其名命率毛氏族隨大兵追之搗寇巢穴

殪其衆走胡雙奇斬龔萬里大嵐以平郡守邱公業嘉之令改今名取山岳鍾靈

之義也

乾隆志

毛遠棖字廷續石門人少失怙與母杜撫二弟堅忍節儉年十九娶唐氏相敬如賓

越五年唐卒誓不復娶後二弟長勸兄續娶則堅拒之曰吾弟有子吾無憂矣雅

好詩書精於卜閒則樂棋不喜與人爭康熙末年八十一而終

鄞毛志 卷十一

樊景瑞字考祥沙隄人康熙時武生幼穎悟課時藝略過目輒廢置談及古文津津

不釋口以故應童子試嘗見黜於有司然益肆力於古人之文章尤於奉之前賢



如趙平湖舒文靖樓攻媿陳本堂戴剡源任松鄉諸公考其顛末各爲列傳嘗手錄本堂集輾轉假借閱年餘始竣其意欲刊刻行世惜有志未逮樊經陳本堂集序 乾隆十四年卒年七十二樊著有拙遊樓文集

唐文獻字翊周號柱隱公塘人康熙壬子歲貢能詩著有竹窗集弟文煥原名文龍字尺木亦能詩著有嵩溪詩集

唐禪字鼎乾隆號梅巖唐雍正甲寅歲貢博學能文事親克盡孝道伯父文獻赴

廷試歿於京師禪時貧乏奔走五千里外負骸骨步行歸里堂兄鎰早逝嫂吳氏孀居凡井臼澣濯諸事皆使已妻任勞復令減去鉛華與寡嫂同其服飾所以玉成嫂節而慰兄魂於地下者周且摯也學憲彭公維新聞其行而獎之乾隆祀剡

源先正祠

王世聯字廷秀毛家灘人雍正時父病垂篤世聯密割股肉以進父病忽愈越十餘年而卒郡庠毛有光例貢周召南作詩褒美之世聯子四其季子楷成邑諸生王

# 剡源鄉志

## 卷十一

人物傳三

一一

丹山赤水洞天  
剡曲草堂印行

光緒二十二年六月邑侯但懋祺以孝則有福獎之祀剡源先正祠

陳守法柏阮人其弟守淵病篤父鍾愛少子哭泣不已守法默念割股可以療疾弟疾若療父憂可解矣遂焚香禱祝割股肉以進弟病頓失未幾病復而卒不數年守法亦以舊傷陡發竟卒年三十繼妻顧氏詳列女傳子秉鈞縣學生同族有名守濂者生五歲而孤賴母俞氏苦養成立長習舉子業年四十七母忽遭痿疾常在牀褥醫藥無效濂甚憂之遂齋戒沐浴身懷利刃潛赴邑廟夜宿齋壇祈神示夢不得至黎明虔誠致禱因割股踰時方蘇再拜收拾血迹懷肉而歸和藥以進不數日母病漸愈由是其母康強者十年至六旬餘卒卒之時哀毀骨立力行喪葬宗族鄉黨咸無閒言云顧鴻撰傳

毛階六字雲虎號無逸石門人乾隆時邑增生生平力行孝弟常以古人自待不屑屑於功名於諸儒中尤力慕舒文靖其館於家雖盛暑亦衣冠坐講堂聞其母語聲即肅然起立家人有過無怒色疾容必委曲面諭徐徐俟其自悟其敦行不怠



類如此卽素性落拓者遇階六在座未嘗不斂手改容趙葵譚無逸傳其究心性理學問  
深邃務實德弗尙浮名殆濂洛關閩之流亞歟嶼邑唐華封嘉慶十四年卒年四  
十三著有復性齋稿子振雍字茂津號蘭畹嘉道時諸生有弔陳烈婦詩劉川詩鈔續編  
階六祀剡源先正祠

單禮則字立朝西晦溪人母盧氏病年餘不愈百藥無效勢危篤禮則除夕默禱於  
神元旦割臂昏暈半响託言他肉以進母病復延十日而卒哀毀逾常後壽至七  
十九光緒二十二年六月邑侯但懋祺以祝鳩至性獎之祀剡源先正祠

趙青照字藜堂號耐軒三石人以邑廩生領嘉慶三年鄉薦遠近從學者日益衆嘗  
掌教錦溪書院與吳曉園孫竹灣共稱文宗二十二年學師孫熊創建育嬰堂青  
照實贊成之司察其事歲活嬰孩以數百計二十四年爲新城教諭道光三年新  
城修縣志任總校之職旋卒於任所年六十七子舜年太學生二十五年邑令王  
濟議加錢糧耗邑民訴諸省省下之府不得直民大閱巡道陳之驥與參將百勝

剡源鄉志 卷十一 人物傳三 三 丹山赤水洞天 剡曲草堂印行

來剿邑民止百勝於泉口舜年以數十人往救之時有與舜年爲讎者讒於百勝  
曰彼來捉中府也遂有餘黨之名被逮至省次年二月遇害閩邑冤之且詳大事記舜改作  
順

竺陳簡字个園號載文弱冠游庠距居七八里有富室欲主其家課子弟讀陳簡謝  
之乃負笈覓師至古堊數年遂冠道光壬午秋榜試春官不得志旋丁外艱服闋  
以大挑分發貴州知縣以母在堂不忍遠遊告近宰福建永安不期月而母又謝  
世歸奔喪既服闋補授貴州龍泉縣知縣中丞賀長齡見獨器重之目爲賢令尹  
調補普定歷署甕安畢節以三縣皆衝要惟陳簡克當其任故使之且知其能文  
章庚子癸卯甲辰俱充鄉試同考官得人稱盛有兄弟爭產者訟於官陳簡令懸  
其父遺容於壁兄弟跪其下自訟之久之兄弟皆泣願相讓不復爭邑有無賴者  
奪攘矯虔又健訟衆慙焉執而欲斃於杖繼聞其房族無人丁斃之則絕迺爲一  
槽活其底綫其人至數其罪命杖斃之將斃卽令尸諸櫬昇而投野巷密令人抽



底出之且謂之曰汝罪當死不斃於杖必斃於衆縣主不忍餒而祖故隱釋汝汝速改前非其人泣拜誓天卒爲善士邑有大溪水深而險涉之則溺迺省水勢築隄緩其流造舟渡人往來以便因呼其渡曰竺公渡後以卓異薦陞用同知未及引見道光二十六年卒於任所年五十二鄧孫學嗣撰墓誌銘子昌阜字小園寓居郡城陳簡服官有循聲將入覲忽歿於任訃至走八千里繭足跋涉扶襯以歸歸則寢處苦塊治祭葬如禮嘗以父所遺廉俸分贍諸父且以董村向無宗祠與諸父謀創建助腴田供祀事俾族人歲時合食其中旋補博士弟子員會粵賊警逼倉皇率家屬去依族以居時糧價騰貴迺買米調恤所親以輸將功甄叙試用訓導

案陳簡本姓陳鄒案鄧小樵畫冊陳簡題詞小印附臣簡相傳在竺則稱竺簡在陳則稱陳簡

毛玉佩字孟遷號石臺巖頭人嘉慶時諸生日取古人法帖臨摹之遂自名家以能書聞兩浙喜作擘窠大字其字愈大愈佳晚年益超神妙尤善作六七尺龍虎大字人比之生龍活虎云徧遊名山各有留題嘗至姑蘇求書者戶限爲之穿玉佩

# 剡源鄉志

## 卷十一

人物傳三

四

丹山赤水洞天  
剡曲草堂印行

厭其煩遂返里門性愛名花奇石見人有一花一石雖書十餘幅亦不受其直輒攜之以歸其風趣如此自號伴我山民學師孫熊贈號性巖卒年七十三所著有學書略則

宋聲翼字韻士本世家子居剡源第二曲山水最勝處擅園林之勝玲巖軒名甲郡南皮書萬卷山光水聲中香茗書卷日與古人相晤對興到亦喜爲詩故其詩清而不瘠華而不癡不貌杜而摹韓不祧唐而祖宋而自成爲玲巖軒詩周步瀛張

蹇叟曰韻士詩各體俱佳剡源地勝宜有詩人江氏良園詩話曰玲巖軒詩氣格蒼勁儵然塵表昔王弇州評昌穀如白雲自流山泉冷然殘雪在地掩映明月玲巖詩亦彷彿有此境除選錄外如山寺題壁云將相有才天下福詩書無弊古人心夜坐云眼前獨得惟秋氣衣上新添是淚痕夢花軒云一曲紅欄名手畫半潭春水故人心鸚鵡云偏是羽毛深愛惜未須言語太分明亦皆可誦剡川詩鈔續編

陳世葵字嶽秀柏阮人監生成豐辛酉十月督勇防守陳公嶺力戰陣亡入祀兩浙



忠義祠忠義錄同時孫璉邑庠生徐家步頭人陳士興儒士年八十陳開枳陳世

燦陳占鎮俱柏阮人毛仁尙大畧人施行文晚響嶺人樓鼎天水碓頭人陳南成

上蹕駐人康佳申康招才俱康嶺人唐水木監生倪家畧人康宇廷塔下人樊化

生樊厚盛樊口口俱沙隄人趙義錫陳虞江陳嗣宰陳悌明俱三石人均於咸豐

辛酉十月二十四同日殉難

毛榮濟浙忠義錄字賚珠石門大山人同治壬戌正月毛殿英起義討賊募人往各

村遍貼檄文無一人敢應者榮濟毅然請往至松林鄉之簿溪為賊謀所獲以釘

釘手足於板送至城中賊將訊何人主兵榮濟堅不肯吐罵曰狗賊人人爭欲啖

汝肉奚問主兵者為賊以利刃戳其口罵愈厲牽至東門外縛石柱上爭拔其髮

且盡血如泉湧然後以亂刀戕死時正月二十八日也忠義錄年三十七入祀兩

浙忠義祠剡源先正祠

案兩浙忠義錄義民表既列來珠續義民表又列榮申不知來珠即榮申之字

也

毛謙榆字載揚其弟謙杉字三揚毛裕足字松茂俱石門人咸豐辛酉十月己卯十二

四日粵匪陷縣城旋分遣賊黨賀某設卡於剡源之康嶺脅令各村進貢居民恨入

骨髓同治壬戌正月丁酉十四有游賊數千由新昌至縣城戊戌賀賊聞有義兵

之耗遁入城中己亥游賊復由縣城至六詔庚子回至康嶺勢將盤踞辛丑十八

六品軍功毛殿英與其子武生偉儒起義討賊招謙榆謙杉裕足合族人暨各村

近千人偉儒當先殿英押後至斑溪賊率大隊分兩翼而來偉儒指揮謙榆等亦

分兩翼而往時有毛朝堂者鎗斃其賊目執大旗騎馬者一人三人縱橫痛擊賊

勢不支奔至康嶺三人率眾追殺斬賊首三十餘級賊拚命奔逃三人以手招四

十餘人追至嶺下畝四十餘人者見賊已遠颺裹足以俟三人不虞後軍之不繼

也一往而前時天將昏黑殿後之賊即回馬欲以洋鎗開放三人將以烏鎗回擊

孰意追趕之際門藥已落響響不出急忙裝藥藥已告匱賊以大旗掩之俱為所



戕忠義錄義民表 嗚呼三人皆山間之農民耳素不讀聖賢之書而義憤所發直

至殺身而不顧且手無軍器所持不過烏鎗短刀又當子藥告罄之時而欲徒手以搏賊真萬死而不得一生者矣浙省肅清殿英稟縣通詳各憲奏請世襲因家貧無力而止均入祀兩浙忠義祠剡源先正祠

樊忠銓儒士單思忠俱沙隄人周賢植周賢傳俱白壁人竺震木倪家山人董剛名董允章俱董家橋人張寬心張維棟俱高畧人許繼明許承倫俱剡界嶺人孫業興六詔人陳世英上六詔人黃會金麻廠人陳寶仁龍塢人曹章麟曹炳金徐青元俱塔下人康才緒董家畧人單敦鉅單仁紀單仁源單仁任單貽風俱亭下人陳唐乾陳嗣源陳賢統陳賢渭陳嗣鏡陳嗣林陳嗣昌陳嗣浩陳嗣日俱三石人樂戶仇子順上蹕駐人均同治壬戌殉難先是陳嗣振三石人正月十八日禦賊戰死於西隅

案辛壬二歲剡源殉難者頗多而兩浙忠義錄僅列唐水木陳世葵曹炳金康

剡源鄉志 卷十一 人物傳三 六 丹山赤水洞天 剡曲草堂印行

兩亭陳悌明陳寶順樊忠銓曹章麟等名甚矣當年採訪之疏也

趙智大三石人咸豐末粵賊陷蘇常同治初元充西人華爾常勝軍隸合肥李公麾下歷克蘇常屬縣賞給六品軍功二年四月十四日因礮過熱藥噴殞於宜興軍中大憲具棺殮給資歸其喪同時康炳才賜恤千總康才扞賜恤六品軍功俱康嶺人因江寧礮局藥炸而傷均崇祀金陵寧波昭忠祠

盧宗孝北溪人例貢生母唐氏以守節著詳列女傳宗孝性慷慨好施凡拯人急難無不稱量以與座中賓客常滿未嘗問其來歷凡遊四明石窗者咸主其家一時有小孟嘗之稱同治初奉邊郡尊葆誠檄扼守羊額嶺破賊保加五品銜即用分府卒年八十五

陳傳基字孟光相阮人父濟霖諸生傳基好讀書年三十一妻金氏卒子學欽才十齡父命其續娶傳基曰何如以續娶之資培植書香乎遂一意教子迨學欽長俾出就外傳傳基年五十一而卒後學欽成邑諸生



何文光三石人年二十七妻曹氏亡一子僅週歲時正需乳文光以米糊飼之就涇推乾恩勤倍至其父母欲爲再娶文光曰兒已有子奚以娶爲光緒十年卒年六十一族姪景黍字問樵邑諸生年三十二妻徐氏亡一子六齡服闋 勸其續娶景黍笑曰此非寒儒所宜也光緒十六年卒年五十二

張立沚字海生馬村人母病三月家貧竭力醫治不效密至洪村廟神前祈禱以利刃割臂和藥汁以進母見其藥汁中有油問之立沚曰兒妻不小心偶墜肉一塊兒已撮出不復油矣藥入口病陡輕延數月旋卒哀毀骨立鄉里多之光緒二十二年六月邑侯但懋祺以永錫爾類獎之祀剡源先止祠同族立洪年二十七妻王氏亡及期父欲爲立洪續絃立洪曰兒幸已有子諸弟俱無妻不如爲弟娶妻便見婦女輒俯首而過其遠嫌如此光緒二十年卒年五十八

長男文衡校字